

2837. XIV, 4-17 — Carta de el-rei D. Fernando de Castela pela qual mandou entregar a el-rei de Portugal os castelos de Moura e Serpa. Cidade Rodrigo, 1295, Outubro, 20. — *Pergaminho. Bom estado.*

Don Ferrando por la gracia de Dios rey de Castiella de Toledo de Leon de Gallisia de Sevilla de Cordova de Murcia de Jahen del Algarbe e senhor de Molina a vos Estevam Peres mio adelantado mayor en tierra de Leon e de Asturias e alcaide de los castiellos de Mora e de Serpa o qualquier que tovier por vos estos castiellos *salutem et gratiam* sepadis que yo so avenido con el rey de Portugal de mudar essos castiellos de Mora e de Serpa en otro alcaide por que vos mando luego vista esta mi carta que entreguedes essos castiellos de Mora e de Serpa a Johan Rodrigues portero del rey de Portugal en tal manera que el los pueda entregar a Nuno Fernandes Cogomino cavalleiro e si assi nom lo fisierdes mando que finquedes por ello en pena de traycion asi como aquel que revella com castiello a su señor de quien lo tiene.

*Dada* en Cibdat Rodrigo veynte dias de octubre era de mill ccc e treynta e tres anos.

*Gutier* Xemenes la mando fazer por mandado del rey e del infante Don Enrrique su tio e su tutor e guarda de los regnos. Yo Domingos Peres de Atiença la fis escrever.

(*Vestígios do selo pendente*)

(L. P.)